

S-charl ha profità dal virus

Sco cha'ls hoteliers e restoraturs da S-charl han tradi es statta la stagiun da stà bainquant plü bain frequentada co'ls ons passats. Impostüt ha cumanzà in gün la stagiun da stà cun daplü giasts e l'utuon es stat fin uossa fich bun.

S-charl es üna fraczin da Scuol chi's rechatta var 13 kilometers vers süd da Scuol sün var 1800 meters sur mar. Il lò fich bain frequentà eir da turists dal di chi'd es bain ragiundsichel cul auto da posta. S-charl es avert be d'instà cun exceziun da la Pensiun Mayor chi'd es averta tuot on. La via es serrada d'inviern e S-charl es accessibel cun schlitras e chavals, a pè obain culs skis. Il center consista da chasas veglias i'l stil engiadinalis ed al principi da S-charl da la vart schnestra sun gñudas fabrichadas ils ultims ons diversas seguendas chasas chi vegan dovradas ed utilissadas per las fins d'eivna obain per far vacanzas. Duos hotels ed üna pensiun spordschans alloggi a giasts chi fan gugent turas e gitas e tschertschan lur pos. A S-charl daja eir la pussibilta da far vacanzas in abitaziuns e chasas da vacanzas. La fraczin as rechatta in vicinanza dal Parc Natiunal Svizzer.

Plü bain frequentà co'ls ons passats

Sco cha Dominique Mayor il possessur da la Pensiun Mayor al principi da S-charl disch, nun ha il coronavirus gñü be dischavantags: «Nus vain insè be profità da la situaziun. Nus vain gñü fich blers giasts svizzers chi han tscherchà la natüra e la possibiltà d'esser plüttost sulets e d'avair pac travasch. S-charl es sco ün'oasa chi'd es minchatant pro strasoras diffizila da ragiundscher, ma schi's es lura quia schi's scumparta tuot fich bain.» Sco ch'el disch han els gñü quist on var 20 pertschient daplü giasts co'ls ons avant. Il listess ha eir confermà Peder Rauch chi maina insemler



Il minz da S-charl cun sia cuntrada attira blers giasts.

fotografia: Daniel Zaugg

cun sia duonna Ursula üna pitschna pensiun cun püschain: «Tuot ha cumanzà quist on plü bod in gün, intant cha oters ons gnivan ils giasts pür davo la mità dal mais. Quist on sun gñüts blers chi vaivan intenziun dad ir a

l'ester a far vacanzas, ma pervi dal coronavirus han els preferi da restar in Svizra. Nus nu vain fat amo ün'analisa precisa, ma eu pens cha nus vain gñü var 20 pertschient daplüssas frequenzas co'ls ons passats.»

Peder Rauch es eir responsabel pel museum Schmelzra: «Eir là vaina gñü bainquant daplüs visitadurs, impostüt in gün, settember e fin uossa. Eir las gitas ilas minieras dal Mot Madlain d'eiran fich bain visitadas». La Crusch Alba, il

terz hotel in S-charl, nun es stat ragiundsichel per la FMR. Pro quel ha müdà complettamaing il menaschi, uschè chi'd es greiv da far ün congual cun oters ons. Però eir els han gñü bunas frequenzas tenor Peder Rauch. (fmr/bcs)



CUMÜN DA SCUOL

Il cumün da Scuol tschercha causa pensiunamaint d'ün collavoratur

üna collauratura / ün collauratur per l'uffizi da fabrica (100 %)

Ella/El

- es responsabla/responsabel pels stabiliaments cumünales (chasas, lavoratori, schlers da protecziun, cluchers, chamonnas, ricover per gruppas etc.)
- es responsabla/responsabel eir pels stabiliaments da scoula, pels pedels e las nettiadras
- sustegna il manader da l'uffizi da fabrica pro'l trattamaint da dumondas da fabrica, pro controllas e collaudaziuns da fabrica

No spettain

- üna da las seguantas scolaziuns:
 - manadra/manader da fabrica o da proget (sparta construcziun sur terra)
 - disegnadur(a) da construcziun sur terra
 - polier(a) o maistra/maister da fabrica construcziun ota obain üna scolaziun equivalenta e plü ons experienza sul chomp da fabrica, impotstünt aint il sectur da la construcziun sur terra
 - iniziativa ed ün möd da lavurar consciensius, bunas manieras, l'abilità da lavurar in üna squadra e plaschair vi dal contact cun abitants e collauraturs
 - ch'Ella/El sapcha utilizar l'EED sco eir discuorrer e scriver rumantsch

Cugnuschentschas da GIS sun d'avantag.

No spordschain

üna lavur variada cun responsabilità in üna squadra flexibla chi funcziuna bain, ün salari correspondent e bunas prestaziuns socialas.

Entrada in plaza

1. marz 2021 o tenor cunvegna

Infoformaziuns

per quista plaza dà Arno Kirchen, manader dals uffizis tecnicis (081 861 27 22).

L'annunzha culla solita documainta es d'inoltrar fin il plü tard als 23 october 2020. Adressa: Administraziun cumüna, per mans da la direcziun, Andri Florineth, Bagnera 170, 7550 Scuol

Success per ün artischanadi tradiziunal

Ün dals duos affars grischuns nominats pel Prix Montagne es la Manufactura Tessanda a Sta. Maria illa Val Müstair. La FMR ha discurrü cun la mainagestiun Maya Repele davart plazzas da lavour illa regiun e las sfidas actualas.

FMR: Maya Repele, Vus eschat nominadas pel Prix Montagne eir pervi da la creaziun da plazzas da lavour illa regiun. Che es specialmaing difficil illa regiun a regard chattar, ingaschar e da tgnair il personal?

Maya Repele: Nus vain gñü la furtüna cha'ls ultims ons han procurà per ün progress da l'affar, quai davo chi's vaiva restrukturà complettamaing la gestiun da la Tessanda. Actualmaing vaina 17 impiegadas chi lavuran per gronda part a temp parzial. Plünavant das-chaina impiegar mincha duos ons üna giarsuna. Pel mumaint fan duos giuvnas lur giarsundi pro nus. Da chattar bun persunal scolà es fich difficil. Nus vain blearas impiegadas chi derivan dal Tirol dal süd, persunas fich amiaivlas e cumpentatas.

Vus eschat eir nominats sco affar da model. Però, perche pudessat güsta Vus eser specialmaing ün exaimpel pels otros?

Eu pens cha la giuria volu muossar cun quai cha eir ün artischanadi vegli e tra-

diziunal haja üna schanza da survivier. Quai culla premissa cha l'affar gnia manà modern ed economicamaing.

Chenünas sun actualmaing las sfidas las plü grondas per Vos affar – sainza corona e cun corona?

La plü gronda sfida es l'intschertezza che cha corona maina cun sai. Il plü grond schmertsch fain nus cun nissa butia a Sta. Maria ed ün seguond lockdown füss donnaivel. Ün'ulteriura sfida es da cuntinuar cul svilup da nos sortimaint, dals prodots e dals process da la lavour. Il sortimaint sto correspunder als giavüschs da nissa ciantella.


Inchün vuless cumanzar illa regiun da muntopna in Val Müstair cun ün nou af-

far – che cussaglis dessat Vus a quist giufen affarist?

La Val Müstair promouva ün turism paschaisel e persistent. Noss giasts predschan la natüra e sostegnan prodots biologics. Scha'l prodot correspuonda a quistas premissas schi lura s'haja fingi fat ün grond pass per avair success. Naturalmaing douvra eir la qualità e la seriusità bsögaivala.

Vulain dir cha Vus guadagnaivat in deember il premi inclusiv 40 000 francs, resp. 20 000 francs pel premi dal publicum. Che fessat lura cun quels raps?

Nus vain fat ponderaziuns ch'üna part pudessna investir illa renovaziun da l'infrastructura da producziun ed üna part a favur da nossas impiegadas. (fmr/afi)



Tesser es ün artischanadi vegli e tradiziunal. fotografia: Manufactura Tessanda